

INUIT ATAQATIGIIT

Inatsisartuni



UPA 2019/8
26. marts 2019
Sofia Geisler

2018-imut Ilassutissatut aningaasaliissutitut Inatsisissatut siunnersuut

(Aningaasaqarnermut Nunanilu Avannarlerni Suleqatigiinnermut Naalakkersuisoq)

2018-imut Ilassutissatut aningaasaliissutitut Inatsisissatut Siunnersuut saqqummiunneqartoq naatsumik oqaaseqarfigissavarput.

Saqqummiunneqartumi takusinnaavarput ilassutissatut aningaasaliissutit katillugit arfinillit Inatsisartut Aningaasaqarnermut Akileraartarnermullu Ataatsimiititaliaata Inatsisartullu Suleriaaseq pillugu Ataatsimiititaliaata 2018-imi akuerisimngaat, tamatumalu malitsigisaanik IST-mi¹ inernerusussatut missingersuutit 145,0 mio. kr.-nik ajorseriartinneqartut.

Aningaasaleeqqittariaqarsimanerit pereermata allanngortinneqarsinnaajunnaa-reermatalu ataatsimiititalianilu susassaqtutuni sukumiisumik sammineqartussaammata 2018-imimut Ilassutissat aningaasaliissutitut Inatsisissatut siunnersuut tusaatissatut tiguvarput.

Pilersaarutaanngitsunik pisoqartarpoq, aamma aningaasanik aqutsinermit sunniuteqartoq. Tamanna avaqqukkuminaappoq. Taamaattoq kaammattuutigiumavarput aningaasaliissuteqartoqartillugu atuinissamut piginnaatitsissut naapertorlugu sinniineveersarluni aningaasanik aqutsineq pingaaruteqartuummat tamanna sapingisaq naapertorlugu malinniartaqqullugu. Tassami pingaartumik ukiup tulliuttup ingerlanerani

¹ (Ingerlatsinermit, Sanaartornermit, Tapiissutit)

atugassamaatinik missingersuusiorneq piffissaq sivisooq atorlugu
piareersarneqartarpoq, taamaattumik missingersuusiornermi periuitsit
atorneqartut atorluarneruneqarnissaat kaammattuutigissavarput.

Qujanaq.